

**FRAMSELD REGLUGERÐ FRAMKVÆMDASTJÓRNARINNAR  
(ESB) 2019/1819****2020/EES/16/22****frá 8. ágúst 2019****um breytingu á reglugerð Evrópuþingsins og ráðsins (ESB) nr. 528/2012 í því skyni að bæta virka efninu ediki við í I. viðauka við hana (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 528/2012 frá 22. maí 2012 um að bjóða sæfivörur fram á markaði og um notkun þeirra <sup>(1)</sup>, einkum 1. mgr. 28. gr.,*og að teknu tilliti til eftirfarandi:*

- 1) Virka efnið edik, að svo miklu leyti sem það er matvæli eða fóður sem er ætlað til notkunar sem fæli efni eða löðunarefni í sæfivöruflokki 19, naut góðs af undanþágunni fyrir matvæli og fóður sem kveðið er á um í 6. gr. reglugerðar framkvæmdastjórnarinnar (EB) nr. 1451/2007 <sup>(2)</sup>.
- 2) Tilkynning var lögð fram skv. 5. mgr. 16. gr. framseldrar reglugerðar framkvæmdastjórnarinnar (ESB) nr. 1062/2014 <sup>(3)</sup> fyrir edik í sæfivöruflokki 19 sem nýtur góðs af undanþágunni fyrir matvæli og fóður. Efnastofnun Evrópu (hér á eftir nefnd Efnastofnunin) lýsti því yfir að tilkynningin væri í samræmi við ákvæði og upplýsti framkvæmdastjórnina um það skv. 17. gr. þeirrar reglugerðar. Af þessum sökum var edik fært á skrána yfir samsetningar efnis/vöruflokks, sem eru með í áætlun um endurskoðun á fyrirliggjandi virkum efnem sem sæfivörur innihalda <sup>(4)</sup>, í sæfivöruflokki 19.
- 3) Hinn 31. janúar 2017 óskaði framkvæmdastjórnin eftir áliti Efnastofnunarinnar á því hvort edik sé áhyggjuefni í samræmi við 2. mgr. 28. gr. reglugerðar (ESB) nr. 528/2012.
- 4) Efnastofnunin komst í áliti sínu <sup>(5)</sup> að þeirri niðurstöðu að edik sé ekki áhyggjuefni og sé því hæft til skráningar í I. viðauka við reglugerð (ESB) nr. 528/2012.
- 5) Að teknu tilliti til álits Efnastofnunarinnar þykir rétt að skrá edik í I. viðauka við reglugerð (ESB) nr. 528/2012. Þar eð edik er af náttúrulegum uppruna ætti að skrá það í 4. flokk, „Efni af náttúrulegum uppruna sem hefð er fyrir að nota“. Aðeins ætti að skrá edik í þann viðauka ef skilgreining á „matvælum“ sem um getur í u-lið 1. mgr. 3. gr. þeirrar reglugerðar nær til þess og ef það inniheldur minna en 10% ediksýru. Þetta er í samræmi við þá staðreynd að edik nýtur eingöngu góðs af undanþágunni fyrir matvæli og fóður sem kveðið er á um í 6. gr. reglugerðar (EB) nr. 1451/2007 ef það er matvæli.
- 6) Ákvæði 3. mgr. 89. gr. reglugerðar (ESB) nr. 528/2012 innihalda umbreytingarráðstafanir fyrir samþykki á fyrirliggjandi virku efni, sem er með í vinnuáætluninni um kerfisbundna athugun á fyrirliggjandi virkum efnem, í samræmi við þá reglugerð. Að því er varðar edik í sæfivöruflokki 19 ætti að fastsetja dagsetningu samþykkis, að því er varðar 3. mgr. 89. gr. þeirrar reglugerðar, sem 1. júní 2021 til að veita nægan tíma til að leggja fram umsóknir um samþykki í samræmi við aðra undirgrein 3. mgr. 89. gr. þeirrar reglugerðar.

(\*) Þessi ESB-gerð birtist í Stjtið. ESB L 279, 31.10.2019, bls. 1. Hennar var getið í ákvörðun sameiginlegu EES-nefndarinnar nr. 8/2020 frá 7. febrúar 2020 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjtið. ESB L 167, 27.6.2012, bls. 1.

(2) Reglugerð framkvæmdastjórnarinnar (EB) nr. 1451/2007 frá 4. desember 2007 um annan áfanga 10 ára vinnuáætlunarinnar sem um getur í 2. mgr. 16. gr. tilskipunar Evrópuþingsins og ráðsins 98/8/EB um markaðssetningu sæfiefna (Stjtið. ESB L 325, 11.12.2007, bls. 3).

(3) Framseld reglugerð framkvæmdastjórnarinnar (ESB) nr. 1062/2014 frá 4. ágúst 2014 um vinnuáætlunina um kerfisbundna athugun á öllum fyrirliggjandi virkum efnem sem sæfivörur innihalda og um getur í reglugerð Evrópuþingsins og ráðsins (ESB) nr. 528/2012 (Stjtið. ESB L 294, 10.10.2014, bls. 1).

(4) Framseld reglugerð framkvæmdastjórnarinnar (ESB) 2019/157 frá 6. nóvember 2018 um breytingu á II. viðauka við framselda reglugerð (ESB) nr. 1062/2014 um vinnuáætlunina um kerfisbundna athugun á öllum fyrirliggjandi virkum efnem sem sæfivörur innihalda og um getur í reglugerð Evrópuþingsins og ráðsins (ESB) nr. 528/2012 (Stjtið. ESB L 31, 1.2.2019, bls. 1).

(5) „Biocidal Products Committee (BPC) Opinion of 14 December 2017 on the eligibility of certain food and feed active substances for inclusion into Annex I to the BPR, ECHA/BPC/186/2017.“ (Álit sæfivörunefndarinnar frá 14. desember 2017 um hæfi tiltekinna virkra efna í formi matvæla og fóðurs til skráningar í I. viðauka við BPR, ECHA/BPC/186/2017).

SAMÞYKKT REGLUGERÐ ÞESSA:

*1. gr.*

Ákvæðum I. viðauka við reglugerð (ESB) nr. 528/2012 er breytt í samræmi við viðaukann við þessa reglugerð.

*2. gr.*

Að því er varðar 3. mgr. 89. gr. reglugerðar (ESB) nr. 528/2012 er dagsetning samþykkis fyrir ediki í sæfivöruflokki 19 1. júní 2021.

*3. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 8. ágúst 2019.

*Fyrir hönd framkvæmdastjórnarinnar,*

Jean-Claude JUNCKER

*forseti.*

---

## VIÐAUKI

Í I. viðauka við reglugerð (ESB) nr. 528/212 í 4. flokki skrárinnar yfir virk efni, sem um getur í a-lið 25. gr., er eftirfarandi færslu bætt við:

EB-númer	Heiti/flokkur	Takmarkanir	Athugasemd
„Ekki fyrir hendi	Edik (*)	Að undanskildu ediki sem er ekki matvæli og að undanskildu ediki sem inniheldur meira en 10% ediksýru (hvort sem það er matvæli eða ekki).	CAS-nr. 8028-52-2

(\*) Dagsetning samþykkis fyrir ediki í sæfivöruflokki 19 að því er varðar 3. mgr. 89. gr. er 1. júní 2021.“